

曰周天十二卦氣卽抽添水火之體也抽添之妙又在乎屯蒙之時揲屯蒙以明之夫坎者水也一變而爲水澤之節其爻居巳再變而爲水雷之屯其爻居寅如用屯之卦行抽添水數則當用寅焉離者火也一變而爲火山之旅其爻居辰再變而爲火風之鼎其爻居亥三變而爲水火之未濟其爻居午四變而爲山水之蒙其爻居戌如用蒙之卦行抽添火數則當用戌焉故十二卦氣其用在於屯蒙或抽水而添火或抽火而添水是

以五行之妙修鍊之功其皆存於斯焉

岐伯曰五藏有七神而各有所藏所藏者何也人之神氣也肝

道藏輯要

道樞

妻

舊集五

藏魂肺藏魄心藏神脾藏意與智腎藏精與志夫藏各有一腎

獨有二何也非皆腎也其左者爲腎其右者爲命門命門者諸
神精之所舍元氣之所繫也故男以藏精女以繫胞故知腎有
一也肺者藏之蓋也心者五藏之專精也目者是其竅也心主
脈肺主皮肝主筋脾主肉腎主骨是謂五藏之所主也久視則
傷血矣久臥則傷氣矣久坐則傷肉矣久立則傷骨矣久行則
傷筋矣是謂五勞之所傷也百病皆生於氣怒則氣上矣喜則
氣緩矣悲則氣消矣恐則氣下矣寒則氣收矣熱則氣泄矣驚
則氣亂矣勞則氣耗矣思則氣結矣九氣不作何病之生乎

七返篇金感于火火去于金
得其成數存陽亡陰